

Fjölbrautaskólinn í Breiðholti

VIRÐING
FJÖLBREYTTNI
SKÖPUNARKRAFTUR
FB



VIRÐING
FJÖLBREYTTNI
SKÖPUNARKRAFTUR
FB



Ragnheiður, Melany, Reinhard

Fjölbrautaskólinn í Breiðholti

Fjölbrautaskólinn í Breiðholti (FB) var stofnaður árið 1975 og var fyrsti skóli sinnar tegundar á Íslandi. Hann er staðsettur í Austurbergi 5 í efra Breiðholti. Skólinn er í tveimur byggingum, nýrri og eldri og eru þær báðar á 3 hæðum.

Segja má að FB skiptist í tvo skóla; venjulegan dagskóla fyrir ungmenni sem lokið hafa 10 ára grunnskólanámi og kvöldskóla fyrir fullorðna. Nemendafjöldi í dagskólanum er um 1000 og um 400 í kvöldskólanum.

Fjölbrautaskólinn er einn stærsti framhaldsskólinn á Íslandi með 110 kennara. Lokapróf frá FB er sambærilegt öðrum framhaldsskólum landsins og hefur reynst nægjanlegt fyrir háskóla og aðrar háskólastofnanir bæði í Evrópu og í Bandaríkjunum.

Þjónusta við nemendur og námsfyrirkomulag

Þjónustan við nemendur FB er mjög góð og er tekið vel á móti öllum nemum. Kennarar reyna alltaf að aðstoða nemendur eftir bestu getu og er meginstefna skólans að hver og einn nái árangri í námi sínu. Boðið er upp á heimanámsaðstoð fyrir þá sem það vilja.

Í námsveri fá nemendur fjölbreytta námsaðstoð t.d. við skipulagningu náms og upplýsingar um ýmis tæki og hjálpar forrit sem nýtast þeim í námi.

Gengið er út frá því að nemendur stundi námið með eðlilegum námshraða og útskrifist innan tilskilinna tímamarka.

Námsframboð

Bóknám: Bóknámsbrautir skólans eru: félagsvísindabraut, hugvísindabraut, íþróttabraut, náttúruvísindabraut, opin braut og tölvubraut. Allar til stúdentsprófs. Einnig nám á framhaldsskólabraut og starfsbraut.

Listnám: Listnámsbrautir skólans eru: fata- og textílbaut, myndlistabraut og nýsköpunarbraut. Allar til stúdentsprófs.

Verknám: verknámsbrautir skólans eru: húsasmíðabraut, rafvirkjabraut, sjúkraliðabraut og snyrtibraut. Með viðbótarnámi má ljúka stúdentsprófi á þessum brautum.

Sérstaða skólans

FB þykir vera með framúrskarandi gott verk- og listnám og þangað sækja þeir namar sem hyggjast mennta sig enn frekar á þeim sviðum þegar komið er upp í háskóla.

FabLab Reykjavíkur er staðsett á jarðhæð FB en FabLab er stytting á enska heitinu fabrication laboratory öðru nafni stafræn smiðja. Markmið með FabLab er að hvetja einstaklinga og frumkvöðla til að láta hugmyndir sínar verða að veruleika, skapa tækifæri til vinnu við frumgerðasmíð og vöruþróun.



Félagslíf nemenda

Nemendafélagið heldur uppi fjölbreyttu félagslífi og freistar þess að virkja sem flesta nemendur. Innan félagsins eru starfræktar 11 nefndir: Auglýsinganefnd, Árshátíðarnefnd, Íþróttanefnd, Listanefnd, Ljósmyndanefnd, Vefráð og Vídeónefnd auk Leiklistarfélagsins Aristófanesar og Málfundafélagsins Gróu.

Samgöngur

Hægt er að taka strætó til og frá skóla og einnig eru næg bílastæði við skólann sem ökumenn geta nýtt.



TAKK FYRIR OKKUR

